

# Tutu ña ni ke'i San Pablo kua'an nda'a' ne ini xini Jesús, ne ndiee' ñuu Éfeso

Ti'vi' ra cha'an' nia

**1** <sup>1</sup>Yu'u nduu' Pablo, te Jesucristo ni tianu' yu'u te sania'á i ichi' a saa kuní Ndiosí. Te ti'vi' i cha'an' sakuu' ndo'ó, ne ndiee' ñuu Éfeso, ne nduu' kuenta Cristo Jesús, ne xika' ndaku ichi' a. <sup>2</sup>Na sañu'u' va yuva' e' Ndiosí xiin' xto'o e' Jesucristo ndo'ó. Te na taxí tu a ña maní' koo xiin' ndo'.

Sañu'u' Ndiosí yoo' xiin' sakuu' ña va'a  
ña nduu' kuenta Jesucristo

<sup>3</sup>Ka'nu' va ña nduu' Ndiosí, yuva' xto'o e' Jesucristo. Suví a nduu' ña sañu'u' yoo' xiin' sakuu' nuu' ña va'a, ña yoo ndivi', xa'a' a ña nduu' e' kuenta Cristo. <sup>4</sup>Kuachi' ndii ni nakaxin a yoo' xa'a' Cristo ndee kii' tia'an kua'a iin yivi' te kunduu e' nditia mii' a, te koo' ndee iin xa'a' ña tiin kuachi' a yoo' nuu' a. <sup>5</sup>Te xa'a' a ña ndani a yoo' ndii, ni chituní a kuento ndee ña nuu' ña kunduu e' si'e a xa'a' ña ni xaa Jesucristo, sakan' ña xa sakan' ni ndoo nimá mii' a saa a. <sup>6</sup>Ni xaa a sakan', te saka'nu' ña'a' e' xa'a' a ña ndani ndatun' a yoo', te ni natiiin yoo' ña jaan' xa'a' a ña ni xaa si'e a, ña ndani a. <sup>7</sup>Xiin' ní' si'e a jaan' ni sandoó ndiká a yoo' nuu' ña ni kuni a kundo'o e' xa'a' kuachi' e', te xiin' ña jaan' ni yoo' ka'nu' ini a xa'a' e', te ni xaa a sakan' xa'a' ña ndani va mii' a yoo'. <sup>8</sup>Te xa'a' a ña ndani xava'a a yoo' na ni natiiin e' sakuu' ña ndichi xiin' ña xini tuní. <sup>9</sup>Te xiin' ña jaan' ni nia'a Ndiosí nuu' e' ña ni yoo' si'e, ña ka'an xa'a' ña xa ni chituní a saa a xiin' Cristo. <sup>10</sup>Te saxinú Ndiosí ña ni chituní a

jaan' sava ni kivi' ña ni kuni mii' a, te ndasaiin a sakuu' ña yoo, te ka'ndia chuun' Cristo nuu' sakuu' ña jaan', naa' ña yoo ndivi' nduu' a uun naa' ña yoo iin yivi' nduu' a.

<sup>11</sup>Te xa'a' ña ni xaa Cristo tu ni nakaxin Ndiosí yoo' te natiin kua'a' e' ña va'a jaan' nda'a' Ndiosí, ña ni chituní mii' a ndee ña nuu', sakan' ña ña jaan' ndii, saxinú a sakuu' ña kuni a. <sup>12</sup>Sakan' te natiin Ndiosí ña xaka'nu' xiin' nda'a' yoo', xi'na ka nda'a' ndu'u, ne ni ndiatu xi'na ña kixin Cristo. <sup>13</sup>Te sakan' tu ndo'ó, kii' ni xini so'ó ndo' tu'un ndixa, ña nduu' tu'un va'a, ña ka'an xa'a' saa kaku' e' nuu' kuachi' e', te ni kandixa' ndo' a ndii, ni natiin ndo' Espíritu Santo naá nimá ndo' saa nii' ni taxi Ndiosí kuento a ña saa a. Te ña jaan' nduu' ndee naa sello ña nia'á ña kuenta Jesucristo nduu' ndo'. <sup>14</sup>Te naá ña jaan' nimá e', te kuni e' ña natiin xna'a' e' sakuu' ña ni chituní Ndiosí taxi a nda'a' e' ndee kii' xaa kivi' ña sandoó ndiká xachi' a yoo', ne nduu' kuenta a, te koo e' xiin' a, te natiin a sakuu' ña ka'nu'.

**Ka'an va Pablo xiin' Ndiosí xa'a' ne ini  
xini Jesús, ne ndiee' ñuu Éfeso**

<sup>15</sup>Te xa'a' a jaan' na, kii' ni xini tu i kuento ña ini va ndo' xini ndo' xto'ó e' Jesús, te ndani tu ndo' sakuu' ne nduu' kuenta Ndiosí ndii, <sup>16</sup>xikuiín tu yu'u ña taxi i ña chindani a xa'a' ndo' kii' ka'an i xiin' a. <sup>17</sup>Te suvi a nduu' Ndiosí xto'ó e' Jesucristo, te nduu' tu a yuva' e', ña ka'nu' koo' chukuu'. Te ka'an va i xiin' a ña na taxi a Espíritu a te chindiee' a ndo'ó ña kundichi ndo', te taxi tu a ña satuví nuu' ndo' te kundani va'a ka ndo' xa'a' a. <sup>18</sup>Te xikán tu i nuu' a ña sanatuún a nimá ndo' te kundani kaxi' ndo' xa'a' ña ndiatu' ini e', ña ni kana a yoo' natiin e' saa a. Te kundani tu ndo' xa'a' ña ndatun' va ña natiin ndo' nda'a' a, ña natiin' tu sakuu' ne nduu' kuenta a. <sup>19</sup>Te kundani kaxi' tu ndo' ña ña ndiee' ya'a nduu' ña ndiee' a, ña tiin' a te chindiee' a yoo', ne ini xini Jesús. Te ña ndiee' jaan' tu <sup>20</sup>ni tiin a kii' ni sanatiaku a Cristo, te ni chindu'u' ña'a' a nuu' tej ka'nu' nda'a' ku'a' a ndivi'. <sup>21</sup>Te kumi' a ndiee' nuu' sakuu' ña xa'ndia chuun' kuu' nuu', xiin' nuu' sakuu' ña kumi' ndiee', xiin' nuu' sakuu' ña kumi' ña ndiee', xiin' nuu' sakuu' xto'ó. Te kumi' tu a chuun ka'nu' ka te sakan' sakuu' ña kumi' ndiee' iin yivi' vitin xiin' inga iin yivi' nuu' ku'un e'.

<sup>22</sup>Te nī sanakua'a Ndiosí sakuu' ña yoo nda'a' Cristo, te nī sakuiso' chuun' ña'a' a ña nduu' ña jaan' xini' xa'a' ña va'a yoo', ne nduu' kuenta a. <sup>23</sup>Te sakuu' yoo' nduu' ndee naa ñu'u' nde'í Cristo. Te yoo xinu e' xiin' ña ndiee' Cristo, sakan' ña ña jaan' nduu' ña saxinú sakuu' ña yoo.

**Xiin' nda'a' Cristo kuiti' sakakú Ndiosí yoo' nuu' kuachi e'**

**2** <sup>1</sup>Te Ndiosí tu nī sanatiaku ndo'ó kij' nī nduu' ndo' ndee naa ne xa nī xil' nuu' a xa'a' a ña nī xka'ndia ndo' ña ndaku, te nī xaa ndo' kuachi, <sup>2</sup>sakan' ña nī xika ndo' saa xika' ne nduu' kuenta iin yivi' yo'o', sakan' ña nī xika ndo' xaa' ndo' ña kuní ña xa'ndia chuun' tein tachi'. Te ña jaan' xiko' ni'i' ne kändixa' Ndiosí. <sup>3</sup>Kij' sakan' ndii, sakuu' e' nī xika xaa' kuachi jaan', sakan' ña nī too tu iní e' xa'a' ña ndioo' iní mii' e', te nī xaa tu e' ña nia'a, ña ka'an nimá mii' e' xa'a', xiin' ña xanini kiní e'. Te xa'a' a jaan' na nī nduu' e' ndee naa sakuu' ne yivi', ne xi'é Ndiosí xini a. <sup>4</sup>Ndisu Ndiosí ndii, kuvita xava'a iní a xa'a' e', sakan' ña kua'a' xava'a ndani a yoo'. <sup>5</sup>Te sakan' na tee' ndee ndee naa ne nī xil' nī nduu' e' nuu' a xa'a' kuachi e' ndii, nī sanatiaku a yoo' nuu' a xiin' nda'a' Cristo. Nī sakakú a yoo' nuu' kuachi e' jaan' xa'a' a ña ndani mii' a yoo'. <sup>6</sup>Te nī sanatiaku a yoo' naa' nī xaa a xiin' Cristo Jesús, te nī chindiee a yoo' xiin' a ndivi' mii' ndu'u' a. <sup>7</sup>Te nia'a a nuu' ku'un e' ña kua'a' va ndani mii' a yoo', sakan' ña nī xaa a ña va'a jaan' xiin' e' xa'a' ña nī xaa Cristo Jesús. <sup>8</sup>Kuachi ndii, xa'a' a ña ndani mii' Ndiosí yoo', na nī sakakú a yoo' nuu' kuachi e' xa'a' a ña iní e' xini e' Jesús. Sakan' ña küvi sakakú xiin' mii' mii' e', süu' jaan' ndii, Ndiosí xamaní' ña jaan' nuu' e'. <sup>9</sup>Te süu' xa'a' ña va'a ña xaa' e' sakakú a yoo', koto ka ka'an ninu yoo ka. <sup>10</sup>Kuachi ndii mii' Ndiosí nduu' ña nī xa'a yoo', te xa'a' a ña iin ndaa' nī nanduu' e' xiin' Cristo Jesús na nī ndasaxaa' a yoo' te saa e' ña va'a ña nī chituní a saa e' ndee ña nuu'.

**Ndasa iin' Cristo sakuu' nuu' ne yivi', te kundiee mani' e'**

<sup>11</sup>Xa'a' a jaan' na kuní a ña naka'an' ndo' ña xt'a'an' ndii, nī ka'an te judío ña te köo' tuni iin' nduu' ndo'ó, te tuku', te mii' ra ndii, te yoo tuni iin' nduu' ra, sakan' na kuii' kuenta Ndiosí nduu' ra kachi ra, ndisu te yivi' kuiti' nī xa'a tuni jaan' iin' ra. <sup>12</sup>Te kij' sakan' ndii, nī nduu' ndo' kuenta Cristo, te nī nduu'

tü ndo' ne kuenta Ndiosí ndee naa ne Israel. Te ni yoo siin' ndo' nuu' sakuu' ña ni chituní Ndiosí, xiin' nuu' ña ni ndoo a kuento a xiin' ndu. Te ni yoo ña ndiatu' iní ndo' xa'a', te ni ndee xini' tü ndo' Ndiosí ndixa ki' sakan'. <sup>13</sup>Ndisu vitin, xa'a' a ña nduu' ndo' kuenta Cristo Jesús ndii, tee' ndee xika' ni yoo ndo' nuu' a saa' ndii, yatín yoo ndo' nuu' a vitin xa'a' a ña ni xitia ní' a ki' ni xi'i a nuu' krusín xa'a' kuachi e'.

<sup>14</sup>Kuachi ndii ni tandiee mani' Cristo ndu'u, ne judío, xiin' ndo'ó, ne tuku', sakan' na iin ndaa' ni ndasanduü a yoo' xa'a' a ña ni sandoñu'u' a ña ndasi' ta'an' e', ña ni nduu' ndee naa nama, ña ni ta'nu ma'in' tein e'. <sup>15</sup>Te xa'a' a ña ni xi'i a nuu' krusín ndii, ni sandoñu'u' a tu'un ndei' Ndiosí xiin' ña ka'an chuun' ña jaan'. Te sakan' ni ndasaiin a ndu'u, ne judío, xiin' ndo'ó, ne tuku', te kunduu e' iin ti'vi xaa', te kundiee mani' e'. <sup>16</sup>Te xiin' ña ni xi'i a nuu' krusín jaan' ni ndasaiin a yoo', te ni nakoo uvi saa' ti'vi e' xiin' Ndiosí ña mani' ni xaa a. Te xiin' ña jaan' tu ni sandoñu'u' a ña ndasi' ta'an' e'. <sup>17</sup>Sakan' ña ni kixin Cristo Jesús iin yivi', te ni ka'an ndoso' a tu'un va'a, ña ka'an saa kundiee mani' e' xiin' Ndiosí, nuu' ndo'ó, ne tuku', ne ni yoo xika' nuu' Ndiosí, xiin' nuu' ndu'u, ne judío, ne ni yoo yatín nuu' a. <sup>18</sup>Sakan' na xa'a' ña ni xaa Cristo kuví naxaa sakuu' e' nuu' yuva' e' Ndiosí xiin' iin ndaa' Espíritu Santo.

<sup>19</sup>Sakan' na kuii' ndo'ó ndii, süü' ne tuku' ka nduu' ndo', ni ndee ndüu' ka tü ndo' ne ndiva'a. Süü' jaan' ndii kuenta Ndiosí nduu' tü ndo' xiin' ndu. Te nduu' tü ndo' ne vi'e Ndiosí xiin' ndu. <sup>20</sup>Te ndo'ó ndii, ni xikuita ndo' nuu' ña ni sania'á te ni tianu' Jesús sania'á ichi' a, xiin' ña sania'á te ni ka'an tiakú tu'un Ndiosí. Te mii' Jesucristo nduu' ndee naa yuu' ña kua'an xiki' vi'e. <sup>21</sup>Sakan' te ku'un ta'an' va'a xa'a' vi'e jaan', te kaa va'a a ndee xinü a, te kunduu a yukun' su'un kuenta xto'o e' Jesús. <sup>22</sup>Te sakan' tü ndo'ó, xa'a' a ña iní ndo' xini ndo' a ndii, kua'an kaa ndo' te kunduu tü ndo' yukun' Ndiosí mii' ndu'u' Espíritu a.

**Ka'an Pablo xa'a' tu'un va'a ña ka'an ndoso' ra nuu' ne tuku'**

**3** <sup>1</sup>Xa'a' a ña ka'an ndoso' yu'u, te nduu' Pablo, tu'un va'a xa'a' Cristo Jesús jaan' nuu' ndo'ó, ne tuku', na naá i vi'e kaa. <sup>2</sup>Xa ni xini so'o ndo' ña Ndiosí ni sakuiso' chuun' yu'u te kundani ndo' ña kundani mii' a ndo'ó. <sup>3</sup>Sakan' ña xiin' ña satuvi ni nia'a Ndiosí yu'u ña ni yoo si'e xa'a' mii' a, naa xa ni

ke'i i sie ña jaan' nuu' ndo'. <sup>4</sup>Te kii' ka'vi te yivi' ña jaan' nuu' ndo', te kuvì kundani' ndo' ña kundani' ndi'i yu'u ña ni yoo si'e ña ka'an xa'a' Cristo. <sup>5</sup>Nuu' ni kixin' ndii, ni sakuni' Ndiosí ña jaan' nuu' ne yivi'. Ndisu vitin' ndii, xa ni sakuni' Espiritu Santo ña jaan' nuu' te ni nakaxin' Ndiosí, naa kuu' te ni tianu' Jesús sania'a' ichi' a xiin' te ni ka'an tiakú tu'un a. <sup>6</sup>Te ña ni yoo si'e jaan' ndii, ña yo'o' nduu' a: ña xiin' tu'un va'a ndii, natiin' inga' ndo'ó, ne tuku', xiin' ndu'u, ne judío, ña va'a ña kumi' Ndiosí xa'a' yoo', te nanduu' tu' ndo' iin' ndaa' ti'vi' xiin' ndu, te natiin' tu' ndo' ña taxi' Ndiosí kuento a xa'a'. Te sakuu' ña jaan' natiin' ndo' xa'a' a ña ini' ndo' xini' ndo' Cristo Jesús. <sup>7</sup>Sakan' ña Ndiosí nduu' ña ni samani' yu'u ña nduu' i te xachuun' xa'a' tu'un va'a jaan' xa'a' a ña ndani' mij' a yu'u, te ni xaa a ña jaan' xiin' i xiin' ña ndiee' a. <sup>8</sup>Te yu'u ndii, tee' ndee köo' te nduu' xachi' i tein' sakuu' ne nduu' kuenta Ndiosí, ndisu ni samani' a yu'u chuun' yo'o' te ka'an ndoso' i tu'un va'a xa'a' Cristo nuu' ne tuku', te ndee iin' ne yivi' küvi kundani' sakuu' ña va'a ña xamani' Cristo yoo'. <sup>9</sup>Te ni taxi' tu' a chuun' jaan' nuu' i te sanakuachi' i nuu' ne yivi' ña ni chituní Ndiosí saa a ndee ña nuu', ña ni yoo si'e ndee xta'an' iin' yivi'. Te mij' a ni xa'a' sakuu' ña yoo. <sup>10</sup>Ni chituní Ndiosí sakan', te vitin' ndii, xiin' nda'a' ne nduu' kuenta a kuvì kunì sakuu' ña xa'ndia chuun' kuu' nuu', xiin' ña kumi' ndiee' ña yoo ndivi', ña kua'a' nuu' ña ndichi Ndiosí. <sup>11</sup>Te vitin' ni saxinú a ña jaan' saa ni' ni chituní mij' a ndee kii' tia'an' kua'a' iin' yivi' xiin' ña ni xaa Cristo Jesús, ña nduu' xto'o' e'. <sup>12</sup>Te xa'a' ña ni xaa a jaan' ndii, kuvì ini' e' te kuyatin' e' nuu' Ndiosí xa'a' a ña ini' e' xini' e' Cristo. <sup>13</sup>Xa'a' a jaan' na kuii' ka'an' nda'vi i xiin' ndo' ña nuu' nimá ndo' ña naá i vi'e kaa xa'a' a ña ka'an' ndoso' i tu'un va'a, sakan' ña xa'a' ña va'a mij' ndo' ndo'o' i ña jaan'.

**Ka'an Pablo xiin' Ndiosí xa'a' ne ndikún  
ichi' Jesús, ne ndiee' ñuu' Éfeso**

<sup>14</sup>Xa'a' a jaan' na xikuíin' xiti' i nuu' Ndiosí, yuva' xto'o' e' Jesucristo, te ka'an' i xiin' a. <sup>15</sup>Te ña jaan' nduu' yuva' nuu' ña ndiee' ndivi' xiin' nuu' yoo', ne ndiee' ñu'u' iin' yivi'. <sup>16</sup>Te xa'a' a ña kumi' a ña vika' ndatun' ndii, ka'an' nda'vi i xiin' a ña taxi' a ña ndiee' ini' nimá ndo' xiin' nda'a' Espiritu a, <sup>17</sup>te kunaa Cristo nimá ndo' xa'a' a ña ini' ndo' xini' ña'a' ndo', te

na kunduu ña ndani a ndo'ó ndee naa ti'oo itun', te kunduu tu a xa'ndu kivi' ñuu ndo'. <sup>18</sup>Te xiin' ña jaan' tu kuvi kundani ndo'ó xiin' sakuu' inga ne nduu' kuenta Ndiosí ña ya'a ndiká ña ndani Cristo yoo', xiin' ña ya'a nani' ña ndani a yoo' jaan', xiin' ña ya'a kunu ña ndani a yoo' jaan', xiin' ña sukun ya'a ña ndani a yoo' jaan', <sup>19</sup>te kundani ndo' ña ndani ya'a Cristo yoo', te chie ya'a ka ña ndani ña jaan' yoo' te sakan' ña kuvi kundani e', sakan' te kuvi xaa ndo' kunduu ndo' ne yoo xinu saa kuní mii' Ndiosí.

<sup>20</sup>Te Ndiosí jaan' ndii, ndiee' koo' chukuu' a, te kuvi saa a kua'a' ya'a ka te sakan' ña kuvi kakan e' nuu' a, te kuvi saa kua'a' xava'a ka tu a te sakan' ña kuvi tuu e' xa'a' ña xachuun' ña ndiee' a xiin' nimá e'. <sup>21</sup>Te ña jaan' na natiin ndee ndi'i' ni kivi' ña tiin' ka'nu' ña'a' ne yivi' xa'a' yoo', ne nduu' kuenta a, te na natiin tu a ña tiin' ka'nu' xa'a' ña ni xaa Cristo. Sakan' na kunduu a.

#### Nduiin' e' xaa' Espíritu Santo

**4** <sup>1</sup>Yu'u, te naá vi'e kaa xa'a' a ña xaa' i chuun nuu' xto'o e' Jesús ndii, ka'án nda'vi i xiin' ndo' ña kaka naa xika' va'a ndo' saa kuní a kaka ndo' xa'a' a ña ni kana Ndiosí ndo'ó te kunduu ndo' kuenta a. <sup>2</sup>Te kii' xika' ndo' sakan' ndii, nda'vi kuu' nimá ndo', te maso tu kuu' ndo', te kuie tu koo iní ndo', te kundieni tu ndo' kuni ta'an' ndo' xiin' ña ndani ta'an' ndo' jaan'. <sup>3</sup>Te saa va' ndo' ña nduxa', te kundiee ti'vi ndo' saa Espíritu Santo xiin' ña ndiee' maní' ndo'. <sup>4</sup>Sakan' ña iin ndaa' ti'vi kuu' e' vitin, te iin ndaa' tu Espíritu Santo yoo nimá e', te ni kana tu Ndiosí yoo' te natiin e' iin ndaa' nuu' ña kundiatu iní e' xa'a'. <sup>5</sup>Te yoo iin ndaa' kuiti' tu xto'o e'. Te yoo tu iin ndaa' kuiti' ña ndixa ña kandixa' e'. Te yoo tu iin ndaa' ña chichi' e' kuenta Jesús. <sup>6</sup>Te yoo tu iin ndaa' Ndiosí, te ña jaan' nduu' yuva' sakuu' e'. Te ña jaan' xa'ndia chuun' nuu' sakuu' yoo', te suvi' tu a xaa' sakan' te xaa' e' chuun nuu' a, te naá tu a nimá sakuu' e'.

<sup>7</sup>Te i'in e' ni natiin nda'a' Cristo iin ña chuun va' saa kuní mii' a. <sup>8</sup>Sakan' na yoso' a nuu' tutu Ndiosí mii' ka'án a ndii:  
 Kii' ni kaa a mii' sukun va' ndivi' ndii,  
 kua'a' va te tiín ni naka a,  
 te ni taxi a ña va'a nda'a' ne yivi'.

Sakan' yoso' a. <sup>9</sup>Te kii' ka'án ña yoso' jaan' ña ni kaa a ndii, kuni kachi a ña ña nuu' ndii, ni nuu a te ni kixin a ndee ndienü ka nuu' ñu'u' iin yivi'. <sup>10</sup>Sakan' na kuii' ña ni nuu ndienü jaan' ndii, suvi tu a nduu' ña ni ndaa ndee mii' sukun va ndivi', te ka'ndia chuun' ndi'i a iin kanii' ndivi' xiin' iin yivi'. <sup>11</sup>Te xa mii' Cristo ni taxi ña chuun va sava e' ña nduu' e' ne tianu' a sania'á ichi' a, te sava e' nduu' ne ka'án tiakú tu'un Ndiosí, te sava tuku e' nduu' ne ka'án ndoso' tu'un va'a nuu' ne yivi', te sava tuku e' nduu' ne xito' ne ndikún ichi' Jesús, te sava tuku e' nduu' ne sania'á tu'un a. <sup>12</sup>Sakan' xaa' a te sakoo' tu'va a yoo', ne nduu' kuenta a, te kuví saa va'a sakuu' e' chuun nuu' a, sakan' te ku'nu ka yoo', ne nduu' ndee naa ñu'u' nde'i a, nuu' ichi' a, <sup>13</sup>ndee naxaa e' ña iin ndaa' kunduu e' xiin' ña ini e' xini e' si'e Ndiosí, xiin' ña kuni xna'a ña'a e'. Te naxaa tu e' kunduu e' ne xa ni xa'nu xinu xachi' nuu' ichi' a ndee naa mii' Cristo. <sup>14</sup>Te küu ka e' ndee naa ne kuachi' kualí, ne tia'an kuixa ini. Sakan' te kundikun e' yo'o' ni jaan' sakuu' nuu' ña xini xa'an', ña sania'á te saka, te saxio' ra yoo' xiin' ña maña, te ndasanduu' ra a ndee naa ña ndixa. <sup>15</sup>Süu' jaan' ndii kuní a ña kundikun e' ña ndixa ndani ta'an' e', te ku'nu e' ndee naxaa e' kuu e' ndee naa kuu' Cristo. Te ña jaan' nduu' ndee naa xini e'. <sup>16</sup>Te ña jaan' xiko' ni'i' yoo', ne nduu' ndee naa ñu'u' nde'i a, naa xaa' xini e' ña xiko' ni'i' a ñu'u' nde'i e', ña ñu'u' ta'an' a xiin' tuchi, te iin ndaa' nduu' a, te chindiee' ta'an' a nuu' i'in chuun ña yoo nuu' i'in a. Te sakan' tu xaa' Cristo xiin' yoo' te ku'nu e' xiin' ña ndani ta'an' e'.

### Na kaka e' saa kuní Jesús xiin' kivi' ñuu xaa'

<sup>17</sup>Ña jaan' na kuii' ka'án ndiee' i xiin' ndo' xiin' ndiee' xto'o e' ña kaka ka ndo' saa xika' inga ne tuku', ne xanini saka, <sup>18</sup>te yoo iin yavi tu ña xini tuni ña, te xika' yoo ña nuu' kivi' ñuu ña kuní Ndiosí taxi a, kuachi' ndii yoo sa'vi ini ña xa'a' a ña ni xaxii ña nimá ña. <sup>19</sup>Te köo' ka ña ka'an' nuu' ña, te ni sanakua'a xiin' mii' ña nuu' ña kini kuu' ña xiin' iin' ña, sakan' ña ka'án ndiee' va nimá ña saa ña sakuu' nuu' ña xe'na'. <sup>20</sup>Ndisu ndo'ó ndii, köo' ña jaan' ni sakuaan ndo' saa ndo' kii' ni xini so'o ndo' xa'a' Cristo, <sup>21</sup>naa' ndixa xna'a ni xini so'o ndo' ña ka'án xa'a' a, te ni kundani ndo' saa nii' nakuitá ña ndixa xa'a' a jaan'. <sup>22</sup>Sakan' na kuii' kuní a ña

na<sub>ko</sub>o ndo' kivi' ñuu yata' ndo', te tava' xachi' ndo' saa ni kuu ndo' saa', sakan' ña ni sativi' ña jaan' nimá ndo', te ni xini xa'an' ña jaan' ndo'ó xiin' ña ndioo' kini iní ndo'. <sup>23</sup>Te taxi ndo' ña nama Ndiosí ña xanini ndo' <sup>24</sup>te ndasanduú a ndo'ó ne yivi' xaa', te kuu ndo' ndee naa kuu' mii' a, te kunduu ndo' ne xachuun' ndaku nuu' ña ndixa, te kunduu tu ndo' nditia a.

<sup>25</sup>Te ña jaan' na kuii' na<sub>ko</sub>o ndo' tun vixi, te ka'an ndaku xiin' ta'an' i'in ndo', sakan' ña iin ndaa' nduu' e'. <sup>26</sup>Naa' nasaá' xiin' ta'an' ndo' ndii, saa ndo' kuachi. Te ndiatu' ndo' ndee keta vi' ñu'u te na<sub>ko</sub>o ndo' ña mani' xiin' ta'an' ndo', <sup>27</sup>ni ndee taxí tu ndo' ña keta va'a ña ndiva'a xiin' ndo'. <sup>28</sup>Te ne ni xakui'na' ndii, na saku'na' ka nia. Süu' jaan' ndii na sachuun' ndaku nia xiin' nda'a' nia, te kuví ki'in nia xu'un' te chindiee' nia ne nda'vi kuu'. <sup>29</sup>Te ká'an ndo' ndee iin ña kini, süu' jaan' ndii ña va'a ka'an ndo' saa kivi' te kua'nu ka ne xini so'o ña jaan' nuu' ichi' Jesús. Te kii' saa ndo' ña jaan' ndii, chindiee' ndo' ne jaan'. <sup>30</sup>Te saku'suchi' ndo' ini Espíritu Santo, kuachi ndii ña jaan' nduu' ndee naa iin sello ña ni natiin e', ña nia'á ña nduu' e' kuenta Ndiosí, te kaku xna'a e' kii' xaa kivi' ña kixin Cristo. <sup>31</sup>Te na na<sub>ko</sub>o ndo' sakuu' ña ñu'u' ka'ni' nimá ndo', xiin' ña nasaá' ndo', xiin' ña kui'e ndo', xiin' ña ti'e' yu'u' ndo', xiin' ña kania'a ndo' xa'a' ne yivi', xiin' sakuu' nuu' ña nia'a ndo'. <sup>32</sup>Süu' jaan' ndii va'a ka ndasun koó ini ndo', te kuvita tu ini ndo', te sakan' tu koó ka'nu' ini ndo' kuni ta'an' ndo' saa nii' yoo ka'nu' ini Ndiosí xa'a' kuachi e' xa'a' ña ni xaa Cristo.

### Na kaka e' saa kuní Ndiosí kaka e'

**5** <sup>1</sup>Ña jaan' na kuii' kuu ndo' saa nii' kuu' Ndiosí xa'a' a ña si'e a, ne ndani va a, nduu' ndo'. <sup>2</sup>Te kundani ndo' ne yivi' saa nii' ndani Cristo yoo', sakan' na ni sanakua'a xiin' mii' a, te ni xi'i a xa'a' e' ndee naa iin ña nasoko' ña xavixín' va nuu' Ndiosí.

<sup>3</sup>Sakan' na kuii' tein ndo'ó ndii, na köo' ndee iin ne kumi' musa, ni ndee iin nuu' ña xe'na' naa ña jaan', ni ndee ne ndioo' ini va xa'a' ña'a. Sakan' ña ne nduu' kuenta Ndiosí ndii, xata'an saa nia ña jaan'. <sup>4</sup>Te ni ndee xata'an tu ka'an kini ndo', xiin' ña ka'an saka ndo', xiin' ña ka'an ndo' siki ka'an. Te sakuu' ña jaan' va'a saa yoo', ne nduu' kuenta Ndiosí, süu'



jaan' ndii va'a ka taxí e' ña chindani a. <sup>5</sup>Kuachí ndii kuní a kundani ndo' ña ndee iin ne kumi' musa, uun ne xaa' ña xe'na', uun ne ndioo' ini va xa'a' ña'a inga ne yivi', ne nduu' ndee naa ne xaka'nu' ndiosí saka ndii, ni'i' ña ña kundíee ña mii' xa'ndia chuun' Cristo xiin' Ndiosí. <sup>6</sup>Xa'a' jaan' na taxí' ndo' ña kuni xa'an' ndee iin ne yivi' ndo'ó xiin' ña maña. Kuachí ndii sando'o' Ndiosí ne so'o jaan'. <sup>7</sup>Ña jaan' na kuii' saa ndo'ó ña xaa' ne jaan'.

<sup>8</sup>Sakan' ña nuu' ni kixin ndii, ni xika iin' yaví ndo' iin yivi'. Ndisu vitin ndii ñu'u xto'o e' tuún nuu' ndo' te xika' ndo'. Xa'a' a jaan' na kuní a ña kaka va'a ndo' ndee naa xika' ne yoo ña tuún nuu' jaan'. <sup>9</sup>Sakan' ña ne yoo ña tuún nuu' xika' ndii, va'a kuu' ña, te xachuun' ndaku ña, te iin ndaa' tu nimá ña, <sup>10</sup>sakan' ña nuu' sakuu' ña xaa' ña xika' nduku' ña ña xakuatia' xto'o e'. <sup>11</sup>Te saa ndo' ña kuása' kuní, ña xaa' ne xika' iin yaví jaan', süu' jaan' ndii kuxioo ndo' nuu' a, <sup>12</sup>sakan' ña ndee kuchani e' ka'an e' xa'a' ña xaa' si'e ne jaan'. <sup>13</sup>Ndisu sakuu' ña yoo si'e natuví xaa' ña tuún, sakan' ña ña tuún jaan' ndii, sakuu' ña'a sanatuví a, <sup>14</sup>naa ka'an ne yivi' ndii:

Ndoto nuu' yo'ó, te kixín,  
te ndokoo un' tein ne nduu' ndee naa ne xa ni xi'i,  
te sayi'é Cristo nimá un'.

Kachi ña.

### **Taxí e' ña sakutu' Ndiosí nimá e' xiin' Espíritu Santo**

<sup>15</sup>Ña jaan' na kuii' koto xiin' mii' va ndo' saa xika' ndo', te kaka ndo' naa xika' ne sa'ví ini. Süu' jaan' ndii kaka ndo' naa xika' ne chuun va xika' ndaku. <sup>16</sup>Te i'in ichi' kua'an ndii, ña va'a saa ndo', sakan' ña kivi' vitin ndii, yoo va ña ña'a. <sup>17</sup>Ña jaan' na kuii' künduu ndo' ne küu' kaxi'. Süu' jaan' ndii saa ndo' ña nduxa' ña kundani ndo' ndee ña kuní xto'o e'. <sup>18</sup>Te kö'o ndo' vino ndee xiní ndo', sakan' ña sativi' xiin' mii' ndo', süu' jaan' ndii taxí ndo' ña sakutu' Ndiosí nimá ndo' xiin' Espíritu Santo. <sup>19</sup>Te ka'an xiin' ta'an' ndo' xiin' yaa Ndiosí ña yoso' nuu' tutu a, xiin' yaa ña xaka'nu' ña'a e', xiin' yaa ña saka'an Espíritu nimá e'. Te kata ndo' yaa jaan' xaka'nu' ndo' xto'o e' Jesús xiin' nimá ndo'. <sup>20</sup>Te xiin' ndíee' xto'o e' Jesucristo taxí ndo' ña chindani yuva' e' Ndiosí xa'a' sakuu' ña ndo'ó ndo'.

**Ka'án Pablo s̄aā kuní a kundíeē i'in ne tunda'á'**

<sup>21</sup>Te xa'a' a ña tiin' ka'nu' ndo' Cristo ndii, kaka nuu nuu' ta'an' ndo' xiin' iin kanii' nimá ndo'. <sup>22</sup>Ña'a', ña' yoo ii' ndii, kuní a ña kaka nuu a' nuu' ii' a' s̄aā nii' xaa' a' xiin' xto'o e' Cristo. <sup>23</sup>Sakan' ña ii' a' jaan' nduu' ndee naa xini' a', ndee naa nduu' Cristo xini' s̄akuu' yoo', ne nduu' kuenta a, ne nduu' ndee naa ñu'u' nde'i a. Te suvi tu a nduu' ña sakakú yoo'. <sup>24</sup>S̄aā nii' xika' nuu' yoo', ne nduu' kuenta Jesucristo, nuu' a ndii, nii' sakan' tu kuní a ña kaka nuu ña'a' nuu' ii' a' nuu' s̄akuu' ña kuní a.

<sup>25</sup>Te ndo'ó, te yoo ña' si'i ndii, kundani ña'a' ndo' s̄aā nii' ndani Cristo s̄akuu' yoo', ne nduu' kuenta a, te ni sanakua'a xiin' mii' a, te ni xil'i a xa'a' e' <sup>26</sup>te kunduu e' nditia Ndiosí kuiti'. Te ni ndasandoo tu a yoo' xiin' tikui ni xaa tu'un a. <sup>27</sup>Ni xaa a sakan' te sanakua'a a yoo, ne nduu' kuenta a, nuu' mii' a, te ndatun' xava'a koo e'. Te nimá e' ndii, koo' ndee sie ma'á ña ke'i nuu' a, te ni ndee koo' tu ña kuti'vi nuu' a, te ni ndee koo' tu ndee iin nuu' ña v'a nuu' a. Süu' jaan' ndii nditia mii' a kuiti' kunduu e', te koo' ndee sie ma'á ña ke'i nimá e'. <sup>28</sup>Sakan' tu, te yoo ña' si'i ndii, kuní a kundani ña'a' ra ndee naa ndani ra ñu'u' nde'i mii' ra. Kuachi' ndii iin te ndani ña' si'i ndii, ndani tu ra mii' ra. <sup>29</sup>Sakan' ña ndee iin te yivi' ndäsi' ñu'u' nde'i mii' ra. Süu' jaan' ndii kuie xamaní' xiin' mii' ra, te kuie tu xito' xiin' mii' ra s̄aā nii' xito' Cristo s̄akuu' yoo', ne nduu' kuenta a. <sup>30</sup>Sakan' ña kuenta ñu'u' nde'i a nduu' e' xa'a' a ña nduu' e' ndee naa kuñu a xiin' iki' a. <sup>31</sup>“Xa'a' a jaan' na nakoo tiaa yuva' si'i ra, te nduuiin ra xiin' ña' si'i' ra, te uvi saa' nia ndii, iin ndaa' nanduu nia.” <sup>32</sup>Ña kaa' ndii, iin nuu' ña vixi xava'a nduu' a, ndisu nakata' yu'u a xiin' ña ndo'o' Cristo xiin' yoo', ne nduu' kuenta a. <sup>33</sup>Ndee s̄aā kaní ndii, kuní a ña kundani i'in ndo'ó, ña' si'i ndo' s̄aā nii' ndani xiin' mii' mii' ndo', te ña'a' ndii, kuní a ña koto ka'nu' a' ii' a'.

**Ka'án Pablo s̄aā kuní a kuu yuva' si'i xiin' si'e nia, te si'e jaan' xiin' yuva' si'i' nia**

**6** <sup>1</sup>Ne kuachi', kandixa' ndo' yu'u' yuva' si'i' ndo' naa kuní xto'o e', sakan' ña ña jaan' nduu' ña xata'an nuu' Ndiosí. <sup>2</sup>Tu'un ndei' nuu' ña ni taxí Ndiosí nuu' e' ki'i' ni ndoo a kuento a xiin' e' ka'án ndii: “Koto ka'nu' ndo' yuva' si'i' ndo'

<sup>3</sup>te natiin ndo' ña maní' koo xiin' ndo', te nakaá tu kivi' ñuu ndo' nuu' ñu'u' iin yivi'", kachi a.

<sup>4</sup>Te ndo'ó, yuva' si'i' ndii, sãnaśá' ndo' si'e ndo', süu' jaan' ndii şania'á ndo' nia, te kondia yu'u' tu ña'a' ndo' saa kuní xto'o e' Jesús.

**Yo'o' ka'án Pablo xa'a' ne ni ke'vi xachuun' xiin' xa'a' xto'o nia**

<sup>5</sup>Te ndo'ó, ne xiko' ni'i' iin xto'o ndii, kandixa' ndo' şakuu' ña ka'án ne nduu' xto'o ndo' iin yivi' yo'o' xiin' ndo'. Te koto ka'nu' yi'vi ña'a' ndo', te kaka nuu ndo' nuu' nia xiin' iin ndaa' nimá ndo' saa nii' xika' nuu' ndo' nuu' Cristo. <sup>6</sup>Te süu' kandixa' ña'a' ndo' ki'i' ita' nia xito' kuiti' nia ndo'ó te ndoo va'a ndo' nuu' nia, süu' jaan' ndii kaka nuu ndo' nuu' nia ndee naa nuu' Cristo xika' nuu' ndo' xiin' iin kanii' nimá ndo' saa kuní Ndiosí. <sup>7</sup>Te kaka nuu sini ndo' nuu' ne jaan' ndee naa nuu' xto'o e' Cristo xika' nuu' ndo'. Saa ndo' kuenta ña süu' nuu' ne yivi' kuiti' xika' nuu' ndo'. <sup>8</sup>Şakan' ña xa xiní ndo' ña i'in e' natiin ña va'a saa xto'o e' Cristo naá kivi' xa'a' ña va'a ña ni xaa e', naa' ne xiko' ni'i' iin xto'o nduu' e' uun naa' ne xika' ndiká nduu' e'. <sup>9</sup>Te ndo'ó, ne nduu' xto'o ne jaan' ndii, iin kachi kuu va'a ndo' xiin' nia, te vikuiin ndo' ña sayi'vi ña'a' ndo', şakan' ña xa xiní ndo' ña iin ndaa' xto'o ndo', ña ndu'u' ndivi' nduu' tu xto'o ne jaan'. Te ña jaan' ndii, iin kachi kuu' a xiin' şakuu' ne yivi'.

**Ñakui'nu e' şakuu' ña taxi' Ndiosí te kaşí a yoo' nuu' ña ndi'va'a**

<sup>10</sup>Ñani ta'an' i, ndee vitin te ndee nuu' ku'un e' ndii, nduku' ndo' ndiee' ndo' nuu' ña ndiee' xava'a' ña taxi' xto'o e'. <sup>11</sup>Te ñakui'nu ndo' şakuu' ña taxi' Ndiosí te kaşí a ndo'ó nuu' ña ndi'va'a, te kuvi ku'ita ni'i' ndo' ki'i' xamaña ña jaan' ndo'ó. <sup>12</sup>Şakan' ña süu' xiin' ne yivi' iin yivi' kunta'an' e', süu' jaan' ndii xiin' ña ndi'va'a, xiin' ña xa'ndia chuun', xiin' ña kumi' ndiee' xa'ndia chuun' nuu' ñu'u' iin yivi', mii' iin yavi' yo'o' vitin, xiin' ña ndiee' kua'a' tachi' kini, ña xika' nuu' viko', kunta'an' e. <sup>13</sup>Xa'a' jaan' na ñakui'nu ki'i' ndo' şakuu' ndachuun' ña taxi' Ndiosí te kaşí a ndo'ó nuu' ña ndi'va'a jaan' ki'i' xaa kivi' kini ña kunta'an' ndo' xiin' a. Te ki'i' ndi'i' ña kunta'an' ndo' jaan' ndii, kusaa' ita' ni'i' ka ndo' nuu' ichi' Ndiosí. <sup>14</sup>Ña jaan' na kuu' ku'ita ni'i' ndo' ichi' a. Ña nduu' ña ndixa' xa'a' Ndiosí ndii, tijn ndo' a ndee naa iin' ña ki'i' toko' ndo'. Te ña xachuun' ndaku ndii, tijn

ndo' a ndee naa ña kasi tia'ni  
 ndo'. <sup>15</sup>Te ña yoo tu'va ndo' te  
 ka'an ndoso' ndo' xa'a' tu'un  
 va'a saa ndiee' mani' e' xiin'  
 Ndiosí ndii, tiin ndo' a ndee  
 naa ndixan' ki'i ndo'. <sup>16</sup>Te siin'  
 tuku' ndii, ña ini ndo' xini  
 ndo' Ndiosí tiin ndo' ndee naa  
 kaa ña tiasi xiin' mii' ndo', te  
 kuví nda'va ndo' sakuu' kuxi  
 ndatin, tun' xatia ña ndiva'a  
 nuu' ndo'. <sup>17</sup>Te ña ni sakakú  
 Jesús ndo'ó nuu' kuachi ndo'  
 ndii, tiin ndo' a ndee naa ti'e'  
 ña kasi xini' ndo'. Te tu'un  
 Ndiosí ndii, tiin tu ndo' a  
 ndee naa ichi ña taxi' Espiritu  
 Santo nda'a' ndo'. <sup>18</sup>Ka'an



*So'q ndixin' te xiiin'  
 ñuu Roma (6.17)*

ndo' xiin' Ndiosí saa kivi', te sakuu' nuu' saa ka'an e' xiin' a ndii,  
 ka'an nda'vi ndo' xiin' a xiin' ña ndiee' Espiritu Santo, te koo  
 tu'va tu ndo' xiin' ña jaan', te nako' ndo' ña xikan' ndo' nuu' a  
 xa'a' sakuu' ne nduu' kuenta a. <sup>19</sup>Te ka'an tu ndo' xiin' Ndiosí  
 xa'a' yu'u ña taxi' a tu'un a nuu' i, te ka'an i xiin' ña ndieni nuu'  
 ne yivi' kii' sakuni' i nia ña yoo si'e xa'a' tu'un va'a, ña ka'an  
 xa'a' Jesús. <sup>20</sup>Te yu'u nduu' te ndiso' chuun' xa'a' tu'un va'a  
 jaan', sakan' na tiin i xiin' karena naá i vi'e kaa. Ka'an va ndo'  
 xiin' Ndiosí xa'a' i te kuví ka'an i xiin' ña ndieni nuu' ne yivi' saa  
 kuní Ndiosí ka'an i.

### **Cha'an' so'q' ndi'i'**

<sup>21</sup>Tíquico, ñani mani' e', iin te xika' nuu' ndaku nuu' xto'o  
 e' ndii, xaa ra mii' ndiee' ndo', te ka'an ndi'i' ra xiin' ndo'  
 xa'a' i te kuni' ndo' saa ndu'u' i. <sup>22</sup>Ti'vi' ña'a' i xa'a' ña kaa',  
 te sakuni' ra ndo'ó saa ndiee' ndu, te sandieni ra nimá ndo'.  
<sup>23</sup>Na taxi' na yuva' e' Ndiosí xiin' xto'o e' Jesucristo ña mani'  
 koo xiin' sakuu' ndo'ó, te sakan' tu ne ta'an' e', te na taxi' tu a  
 ña kundani' ta'an' ndo' xiin' ña ini ndo' xini ña'a' ndo'. <sup>24</sup>Te na  
 sañu'u' na tu Ndiosí sakuu' ne ndani' xto'o e' Jesucristo xiin'  
 iin kani' nimá nia. Sakan' na kunduu a.